


572
1984



1984 ՅՅՅՈՆԵՄ N- 8





აპვისტო

ამ თვეში ჩვენს ქვეყანაში თავიანთ
ზეიმს აღნიშნავენ

- რკინიგზელები—5
- მშენებლები—12
- ავიატორები—19
- მეშახტეები—26
- კინემატოგრაფისტები—27

ჩემო სამშობლო მხარეო



ლევან შაჰშიძე

ამბავი რაჭისა

საქართველოს ერთ-ერთი უღამაზეხი კუთხე — რაჭა დასავლეთ საქართველოში, მდინარე რიონის სათავეებში მდებარეობს.

რიონი უხსოვარი დროიდან იყო ცნობილი ფაზისის სახელწოდებით. მდინარე ფაზისზე იდგა ქალაქი ფაზისი — შავი ზღვის დიდი, ხომალდუხევი და ხალხმრავალი ნავსადგური...

შავი ზღვის სანაპიროებს კარგად იცნობდნენ ნაოსნობაში განაფული ბერძნები, კოლხეთის თვალშეუდგამ ქედებზე კი მათ ბუნდოვანი წარმოდგენა ჰქონდათ, თუმცა ის კი იმთავითვე იცოდნენ, რომ ფაზისი ფაზისის მითიდან გამოდიოდა (ამ მთას ახლაც ასე ეწოდება). იმ უძველეს წარსულში, ოც-

დაცამეტ საუკუნეზე მეტი ხნის წინათ, როცა ჯერ კიდევ გრძელდებოდა კაცობრიობის ბავშვობა, როცა ადამიანის გამჭრიახობის, ნიჭისა და ცოდნის გამოვლენას ღვთის წყალობად თვლიდნენ, ჩვენი წინაპრები კეთილმონყობილ სოფლებსა და დაბა-ქალაქებში ცხოვრობდნენ, იცოდნენ ლითონის მოპოვება და მოხმარება, ხვნა-თესვა, ბალ-ვენახების გაშენება, ფეიქრობა, მკურნალობა, წამლების შემზადება, ნაოსნობა და სხვა მრავალი რამ, რითაც ბერძნებსაც კი პნცვიფრებდნენ. ბერძნული მითი არგონავტების შესახებ სხვა არაფერია, თუ არა კოლხეთის სინამდვილის ხატოვანი ასახვა. კოლხეთის განუყრელი ნაწილი იყო რაჭა-ლეჩხუმისა და სვანეთის მა-

ლალმთიანეთიც, სადაც ჩაისახა და განვი-
თარდა მელითონეობა, მოიშინაურეს პურე-
ული კულტურები და ვაზის უიშვიათესი ჯი-
შები.

დიდი ქართველი გეოგრაფოსი და ისტო-
რიკოსი ვახუშტი ბაგრატიონი ასე განმარ-
ტავს სახელწოდება „რაჭას“: „ხოლო სახელი
მოიგო გარემოსთა დიდროვანთა მათათაგან
და შინაგან ღრმის ადგილებიანა მიერ: „იხი-
ლე, რაჭა ადგილი ესე!“

ხალხშიც ასე სჯეროდათ.

დღევანდელი მეცნიერები ამ მოსაზრებას
უარყოფენ, თუმცა ჯერჯერობით თვითო-
ნაც ვერ შეთანხმებულან, მაინც საიდან
მომდინარეობს ეს სახელწოდება. ზოგი „რა-
ჭას“ რაჭის პირველი ერისთავის რაჭის სა-
ხელს უკავშირებს, ზოგი სვანურ „რაჭუს“
(კურდღელი), ზოგი — სატომო „სახელს
„ჭანს“ და ა. შ.

მიუხედავად იმისა, რომ რაჭა დიდრონი
მთებიდან მოზღუდული, იგი მიუვალი სრუ-
ლებითაც არ იყო. ჩრდილო კავკასიის ველე-
ბის შავ ზღვასთან დამაკავშირებელი საერ-
თაშორისო გზები რაჭის გადასასვლელებ-
ზე — ფასის, ნონარის, კირტოშის, მამისონის
და სხვა უღელტეხილებზე გადიოდა. რუსე-
თში მიმავალი საქართველოს ელჩები და
მეფეები ხშირად რაჭის მხრიდან ამჯობი-
ნებდნენ მგზავრობას. მცველებად და მე-
ბარგულ-მეგზურებად კი აქაურები — ლე-
ბელები, ჭიორლები და გლოლები მიჰყავ-
დათ.

თბილისიდან რაჭისაკენ მიმავალი უმოკ-
ლესი გზა დღეს ცხინვალს გაივლის და ერ-
ნოს გადასასვლელით ონში ჩადის. მშვენიე-
რი გზატკეცილია ქუთაისიდან ტყიბულის
გავლით ნაქერალას ქედზეც. ადრე კი აქ
მხოლოდ საურმე გზა და საცალფეხო ბილი-
კები იყო.

რაჭაში ადამიანს უხსოვარი დროიდან
უცხოვრია. მეცნიერთა აზრით ქვის იარაღის
მაკეთებელი ადამიანი რაჭის მალალმთიან-
ეთში სულ ცოტა ათიათასი წლის წინათ
სახლობდა.

პირველი ლითონი, რომელიც კაცმა გა-
მოიყენა, თვითნაბადი სპილენძი იყო, მერე
რომელიღაც გენიალურმა გამომგონებელმა
რბილი და ნაკლებმოსახმარი სპილენძის და
კალის შედნობით ბრინჯაო მიიღო და ამის
შემდეგ კაცობრიობის განვითარება საოც-
რად დაჩქარდა.

არქეოლოგიური კვლევებით დამტკიცე-
ბულია, რომ რაჭის მთები ძველთაძველი მა-
ღარობითაა მკერდდაღარული.

სოფელ ლების ზემოთ, რიონის სათავე-
ებისაკენ მდებარეობს ბრილის ველი. კოკის-



ქ. მარტის ს. ხ. სკ. სსრ
სახელმწიფო რ. სპილენძის
მხატვარი ელშარდ ანგოპაძე

პირული წვიმების ყამს ნიაღვრებს იქიდან ათასწლეულთა მანძილზე ჩამოჰქონდათ ოქროსა და ვერცხლის სამკაულები, მძივები, ბრინჯაოს ბალოები და სხვა საკვირველი საგნები. ჩვენი საუკუნის 20-იან წლებში ლების სკოლაში ერთი ცნობისმოყვარე ყმა-წვილი — გერმანე გობეჯიშვილი სწავლობდა, შემთხვევით ნაპოვნ ბალოებს, პასტის მძივებს და სხვისთვის გამოუსადეგარ სხვა ნივთებს აგროვებდა და ნატრობდა მათი საიდუმლო ამოეხსნა. შემდეგ მან თბილისის სახელმწიფო უნივერსიტეტის ისტორიის ფაკულტეტი დაამთავრა და სწავლული არქეოლოგის დიპლომით მშობლიურ სოფელში დაბრუნებულმა აღმოაჩინა და შეისწავლა ამჟამად უკვე მსოფლიოში სახელგანთქმული ბრილის სამაროვანი. აქ შუაბრინჯაოს ხანაში მეტალურგთა დიდი დაბა გაჩენილა, რომელიც ორიათას ხუთას წელზე მეტ ხანს მოქმედებდა და ბრინჯაოს ნაწარმით აპარაგებდა მრავალ ქვეყანას. სამარხების შესწავლამ ნათელი გახადა, რომ ძველი მელითონები შეძლებულად ცხოვრობდნენ, ბრილს საქმიანი სავაჭრო კავშირები ჰქონდა შორეულ ფინიკიასთან და ეგვიპტესთან. ბრილის ბრინჯაოს ნარმოების კერა არც მას შემდეგ ჩამქალა, როცა ჩვენმა წინაპრიბმა რკინის მოპოვება და დამუშავება

დაიწყეს. მაგრამ ახალი წელთაღრიცხვის IV საუკუნეში, როცა კავკასიის მთაგრების მონაყდა მომთაბარე და მეომარი ტომების — ჰუნების ლაშქარი, ბრილი გაცამტვერდა და აღარც არასოდეს გამართულა წელში. სამაგიეროდ მე-20 საუკუნის პირველ ნახევრამდე შემოინახა თავი სოფელ წედისის რკინის მოპოვებისა და ნარმოების ერთ-ერთმა პირველადმა კერამ. წედური ფოლადი — „გამჭრელი რკინა“ თუ შრომისა და ბრძოლის იარაღები საქართველოს ფარგლებს გარეთაც ცნობილი იყო.

ლენჩუშთან ერთად, რაჭა პურეული კულტურების მოშინაურების ერთ-ერთი უმთავრესი კერაა. მსოფლიოს ყველა ბოტანიკოსმა იცის სორბლელის უძველესი ჯიშები მახა და ზანდური, რომლებიც რაჭა-ლენჩუშის ყოფაში უკანასკნელ ხანებამდე შემორჩა. მახასა და ზანდურის შემოსულ თავთავებს უიშვიათესი იარაღით — შნაკვით კრეფდნენ, რომლის მსგავსი მხოლოდ ესპანეთში — ასტურიასი უნახავს აკადემიკოს ვევილოვს.

ათასწლეულთა სიღრმეიდან მომდინარეობს რაჭის მევენახეობა-მეღვინეობა. თითქმის ყველა სოფელს ჰქონდა ყურძნის საგანგებოდ გამოყვანილი ჯიში, ამიტომ აქ ვაზი ზღვის დონიდან 1200 მეტრამდე ხა-





რობდა. მაღალმთიან სოფლებს ვენახები ცივი ქარებისაგან დაცულ, მყუდრო ხეობებში ჰქონდათ.

საქვეყნოდ არის სახელგანთქმული რაჭული ღვინო „ხვანჭყარა“, რომელიც ქვემო რაჭაში, სოფელ ხვანჭყარაში, და კიდევ — სოფლებში ჩორჯოხა და ტოლაში, ყოშხასა და ჭყვიშშიც მოდის. მისი მომცემი ჯიშები: ალექსანდრეული, მუჯურეთული და კეთილშობილი საფერავი მაღალხარისხოვან ყურძენს იძლევიან მხოლოდ სამხრეთით მიქცეულ, „მზიგული“ ფერდობების ნიადაგებზე.

იყო დრო, როცა მამაპაპური წესით შერეულ ერთგვარ ღვინოს აფთიაქებში იხე ყიდდნენ, როგორც ნამალს.

ძველად რაჭაში იყო ჩვეულება: ბავშვი რომ შეეძინებოდათ, მის სახელზე ღვინოს დააყენებდნენ, ქვევრში წლობით აძველებდნენ და ქორწილს ამ ზღაპრული სასმელით გადაიხდიდნენ. ზოგიერთი მევენახე თავის ჭირის სუფრისთვისაც აძველებდა ღვინოს. ასეთი სასმელით გადახდილი ლხინი თუ ჭირი ოჯახს დიდად ესახელებოდა.

გეოგრაფიული და ისტორიულ-ენოგრაფიული თვალსაზრისით რაჭა სამ ნაწილად იყოფა: მთის რაჭა, ზემო რაჭა და ქვემო რაჭა.

ქვემო და ზემო რაჭის საზღვარია ხიდვიპ-

რის კლდეკარი, რომელსაც შუაზე ჰკვეთს ბობოქარი რიონი. მდინარით გაფატრულ პიტალო კლდეს მარჯვნივ გზატკეცილი მიუყვება, მარცხნივ გაუქმებული თემშარის ხავსიანი კვალია. ჩაქცეული ნახიდგრის თავზე ერთმანეთს გასცქერის ქვითკირით ამოშენებული სადარაჯო გოდოლები. აქ ოდესღაც მებაჟე-მეციხოვნენი იდგნენ და უნებართვოდ ძეხორციელს არ ატარებდნენ.

X საუკუნის დამლევს მეფე ბაგრატ III-მ დააარსა რაჭის საერისთაო, რომლის მფლობელებმა დიდი გავლენა მოიპოვეს საქართველოს სამეფო კარზე. „ერისთავი რაჭისა და თაკურისა“ კახაბერ კახაბერის ძე თამარის მეფედ კურთხევის ზეიმში მონაწილეობდა და ლხინ იმერეთის უზენაეს ფეოდალებთან ერთად თამარს სამეფო გვირგვინი დაადგა. შესაძლოა ამ ისტორიული ფაქტით იყოს შთაგონებული რაჭის თითოეულ ოჯახში დღესაც სათუთად შემონახული თქმულება კახაბერთა კარზე თამარის აღზრდის შესახებ.

გარდასული საუკუნეების მონმეებად რაჭის მიდამოებს შემორჩა უამრავი ძეგლი — მძლავრი ციხე-სიმაგრეები (მინდაციხე, კვარაცხე, დექიხე, ზნაკვის ციხე), კლდეკარები — ხიდვიპისა და კლდისუბნისა, მრავალი კოშკი და პიტალო კლდეებზე ქვითკირით



ამოშენებული გამოქვაბულები — „სახიზაროები“. ყველა სოფელს ჰქონდა თავისი ეკლესია. იყო ბევრი მონასტერიც, რომელთაგან შემორჩენილია მხოლოდ სამი: ჭელიშის, სორისა და ველტყვისა. ჭელიშის მონასტრის მდიდარ ნივთნაცვაეში 1902 წელს აღმორდა უძველესი ქართული ქრონიკის „მოქცევაი ქართლისაის“ ძვირფასი ხელნაწერი.

ხალხური ხუროთმოძღვრების საუკეთესო ნიმუშებია რაჭული საცხოვრებელი სახლები და შრამელ-ბურულები, ანუ სამეურნეო ნაგებობები. ნაგებობანი ძირითადად ქვიტიკრისა იყო. მრავალსართულიან სახლებს მრგვლად გამოყვანილი დუროები ამშვენებდა. დუროებს უწინ საბრძოლო დანიშნულება ჰქონდა, იქედან მომხდურს ქვებს უშენდნენ, ისარსა და ტყვიას ესროდნენ. უბნები ერთმანეთს უკავშირდებოდა ქუჩებით, რომლებსაც „ტყუბს“ — ტყუბს ეძახდნენ. ამჟამად ძველი საცხოვრებელი ნაგებობების ნაშთები და „ტყუბები“ შემორჩენილია გლოლასა და ღებში.

გავრცელებული იყო კიდევ „შუა სახლი“ — „კათხა სახლი“. იგი ულურსმოდ, ხის ძელებისაგან ან გარანდული ფიცრებისაგან იყო ნაგები, კოროლით ან ყავრით დახურული. კოროლი ხორბლის უძველესი ჯიშის — ზანდურის ღერობის შეკვრას ეწოდებოდა.

რაჭა მცირემნიანი კუთხეა, ამიტომ სახანა-სათეს და სავენახე ადგილებს კარ-მიდამოებისათვის არ იყენებდნენ, საეზოვედ მწირ, დაქანებულ ფერდობს გააკაებდნენ — „მოზვინავდნენ“ და ბალნარად აქცევდნენ. რაჭველთა შრომისმოყვარეობა საარაკო იყო, მაგრამ დაუღალავი გარჯის მიუხედავად, ადგილობრივ გლეხს სარჩო წლის მანძილზე არ ყოფნიდა. გვიან შემოდგომით, როდესაც მოსავალს დააბინავებდნენ — „ალოს ჩაკარებდნენ“, აიკრავდნენ ხოლმე გუდა-ნაბაბს და „მოსაკებში“ წავიდოდნენ. მთელი ზამთარი, ვიდრე სოფლად საგაზაფხულო სამუშაოები არ დაიწყებოდა, რაჭველი ხურო, მჭედელი, მზარეული, მეპურე, მეკურტნე, მესტიერე და სხვა მრავალი ხელობის მცოდნე ერთგულად შრომობდა მეზობელ თუ შორეულ ქალაქებსა და სოფლებში. მათი ალალმართლობა, პატიოსნება და უზადლო ოსტატობა ახლაც სამაგალითოა და თქმულებადანდაზებდაა გარდასახული.

ხალხური პოეზია თავისებურად განავითარეს რაჭველმა მესტიერეებმა. რაჭულ ხალხურ სიმღერებს („ასლანური მრავალჟამიერი“, „დალიე“, „რაეო“, „მალა მთას მოდგა“, „ტყეში ქალები წასულან“, „ქვედრულა

მოდიდებულა“ და სხვ.) ღირსეული ადგილი უჭირავს მუსიკალურ ფოლკლორში.

რაჭას რაჭველი არ უნდა მოაკლდეს

საბჭოთა ხელისუფლებამ მრავალი სიკეთე მოუტანა რაჭას. დღეს ონი და ამბროლაური თანამედროვე ქალაქები არიან. ურავლიხეთში დაიწყო დარიშხანის მოპოვება და დამუშავება, ირში — ბარიტისა. აშენდა ყურძნის გადამამუშავებელი ოთხი ქარხანა. კეთილმოწყობილ გზატკეცილებზე ნაირნაირი ავტომანქანები და ავტობუსები დაქრიან. ამბროლაურის აეროდრომი სამგზავრო თვითმფრინავებს იღებს. აიგო მრავალი სკოლა, საავადმყოფო, კინოთეატრი, კლუბი, კულტურის სახლი.

მთის რაჭაში მდებარეობს საკავშირო მნიშვნელობის კურორტი შოვი. ეს ახალი კურორტია და მისი აღმოჩენა ერთი შემთხვევის წყალობით მოხდა. მეფის დროს სოფელ გლოლის თავს აფარებდა ექიმი რევოლუციონერი შამშუ ლუჭავა. მასპინძლები მას შოვში მალავდნენ, სადაც გლოლელებს სათიბები და

სამასალე ტყეები ჰქონდათ. რევოლუციის გადასარტყვების შემდეგ, 20-იან წლებში, შამშუ ლუჭავამ, ახალგაზრდა საბჭოთა სახელმწიფოს ზრუნვის მეოხებით, შოვი მშრომელთა ჯანმრთელობის კერად აქცია.

ზემო რაჭაშია საქართველოს ერთ-ერთი უძველესი კურორტი—სოფელი უწერა; ქვემო რაჭაში განვითარების დიდი შესაძლებლობები აქვთ შორს, სანალიკეს.

იყო დრო, რაჭის მაღალი მთები და ვიწრო ხეობები მოსახლეობას ვერ იტევდა და აქაურები მეზობელ მხარეებში ესახლებოდნენ, XIX საუკუნის შუა ხანებიდან ჩრდილო კავკასიაშიც კი გადადიოდნენ და იქ მკვიდრდებოდნენ. ამაზე წერდა ილია ჭავჭავაძე — ქართული მოსახლეობა ძირითადად საქართველოში უნდა გადანაწილდესო.

ახლა მთის რაჭის სოფლები თითქმის დაცარიელდა. ქალაქურ ცხოვრებას ეტანებიან რაჭველები... რაჭას რომ რაჭველი არ მოაკლდეს, საქართველოს კომპარტიის ცენტრალურმა კომიტეტმა მიიღო შესაბამისი დადგენილება და, უეჭველია, მალე მთიელი მთას დაუბრუნდება.



ნიკორწმინდა

ძველი ციხე-სიმაგრეების, ეკლესია-მონასტრების, საცხოვრებელი და სამეურნეო ნაგებობების გარდა რაჭის მიწაზე შემორჩენილია ქართული სატაძრო ხუროთმოძღვრების ბრწყინვალე ნიმუშები, მათ შორის რაჭის ერისთავთა ყოფილი სავანის — სოფელ ნეისის ძირს, მცირე ველზე ყელმოღერებული ბარაკონის ტაძარი და დიდებული ნიკორწმინდა.

დაახლოებით 1014 წელს აღმართული ნიკორწმინდის ტაძარი ჭეშმარიტად სამი დიდოსტატის შემოქმედებაა — ხუროთმოძღვრის, ჩუქურთმისმჭრელის და მოქანდაკისა. მაგრამ მათი ვინაობა შთამომავლობისათვის უცნობია — თავიანთი სწორუპოვარი ქმნილება მათ ქართველი ხალხის ნიჭიერების მარადიულ სიმბოლოდ უანდერძეს მომავალ თაობებს.

...ნიკორწმინდელები იხსენებენ: დიდი ქართველი პოეტი ვალაკტიონ ტაბიძე გაოგნებული იდგა ტაძრის ფერხით. მზემ სხივები დაიკრიბა და შორის ველების მიღმა წინ-

ვნარების სიმწვანეში ჩაინავლა, ვალაკტიონი კი იდგა და ლოცვასავით ჩურჩულებდა...



ქაბათა ქაბა ნიკორწმინდას

მაქვს მკერდს მიღებული
 ქნარი, როგორც მინდა.
 ჩემთვის დიდებული
 სხივი გამობრწყინდა.
 მკვიდრად ააშენა,
 ვინაც ააშენა
 და ცით დაამშვენა
 დიდი ნიკორწმინდა.
 გზნებით დამკარგავი
 გრძნეულ ჩუქურთმებით,
 ქარგით დამქარგავი
 ნაზი შუქურთმებით,
 ნეტა ვინ აზიდა,
 ან როგორ აზიდა,
 რა ხელმა აზიდა
 მალა ნიკორწმინდა!
 რა განძი გვქონია,
 რა მხნე, რა მდიდარი,
 ჟღერს ქვის ჰარმონია —
 დარობს რამდი დარი.
 კარგად გამოჰკვეთა,
 ვინაც გამოჰკვეთა,
 სიბრძნით გამოჰკვეთა
 მძლავრი ნიკორწმინდა.
 აქ რომ თაღებია,
 სვეტთა შეკონება,
 ისე ნაგებია,
 სიზმრის გეგონება.
 ნეტა ვინ ააგო,
 რა ნიჰმა ააგო,
 რა მალღმა ააგო
 სვეტი — ნიკორწმინდა!
 გრძნობ, ვით დიადია
 თორმეტი საკმელი,
 ხაზებში ანთია
 ცეცხლი მისარქმელი:
 ნეტა ვინ აანთო,
 რომ გრძნობით აანთო
 და წლებს გადაანდო
 ნათლად ნიკორწმინდა!

ხვეულთ დიადება
 ვხედავ — რა უხვია,
 დრომ მას დიადება
 კრძალვით შეუხვია.
 ნეტა ვინ მოჰქარგა,
 და როცა მოჰქარგა,
 შიგ მიჰქარგ-მოჰქარგა
 გზნება — ნიკორწმინდა.
 მკვეთრი და მოქნილი
 ხაზთა დასრულება
 არის ამოდქმნილი
 ნატერის ასრულება.
 ეს ის სიმკვეთრეა,
 ეს ის სიმდიდრეა,
 რაითაც მკვიდრია
 ძველი — ნიკორწმინდა.
 შენის სულმნათისად
 ასვლა ეროვანი:
 ყელი გუმბათისა
 მალაღღეროვანი,
 გამღის აღერილი,
 ნებით აღერილი,
 სათნოდ აღერილი
 გშვენის, ნიკორწმინდა!
 მზერა ქართულია
 სივრცის დაუნჯებით,
 თვალი გართულია
 ფრთიან ფასკუნჯებით:
 ფრთები, ფრთები გინდა,
 კიდევ ფრთები გვინდა,
 გინდა დაეფულო
 სივრცეს, ნიკორწმინდა!
 შენ, ფრთამოდულუნეს
 ქამთა სიმალღეზე,
 ჩვენი საუკუნე
 გიცავს, უახლესი:
 მძლავრი ხელოვნება,
 ხალხის ხელოვნება —
 ბრწყინავს საქართველოს
 ქებად ნიკორწმინდა!

მზია ჩხეტიანი

ბიგას არღაღებუი

ზაფხულობით ჩვენი გიგა
 აღმა-დაღმა დაჭრის,
 აღარ უშევს წერა-კითხვა
 აღარაფის ხათრით,
 გღმა მთაზე ცხვარი მიჰყავს,
 დასდევს სოფლის ნახირს.
 ხან წყალშია,
 ხან ზვარშია,
 ბღშიც ცხვდავთ ხშირად,
 მობღურთაღთა ამჟღაშია,
 დაღის ყირა-ყირა.
 სათიბშია, სამკაღშია,
 ო-ჰო-ჰო, რა ამბავშია.



— რა ბიგია,
 რა ბავშვია! —
 ისმის აქაც, იქაც.
 — მაგრამ...
 კითხვაც რომ უყვარდეს,
 არ აწუენდა გიგას, —
 კანტი-კუნტად,
 აქაც, იქაც,
 გიგას კორავს ვიღაც...
 დღე ღღეს მისდღევს,
 ეს აგვისტოც
 აღარ გასტანს დღიღანს,
 — წიგნს ჩაგღდე, გიგა, ბიგო!
 დაგავიწყღა კითხვა!



სირა ჟიბიაშვილი

ოქროსეღა

შარიღურღბს შღღაშინი
 და ხეღეღო გეღჭრის,
 ზეინად დღღვა ბურბუღეღა,
 ნახერხი და ხიჭვი —
 ჩეღეს ეხღღი ზღღმღსახღღა
 ოქროსეღა ბიგეი.
 ხად ზღღეღბღ კარღის ჭრღიღღს
 ან კამღღღს ჭრღეღღინს,
 დაჩეღმა მღღელი ტახტი

და სკამეღბც ფიჭვის,
 უკვირს ეეღღას, ეეღღას უკვირს
 ცერღღღენახს ნიჭი.
 იღღმიღან მოხუცეღბღ —
 ახღღა რღღა ზეღღეღრს!
 შარიღურღბს შღღაშინი
 და ხეღეღო გეღჭრის,
 მოღღღო, ნახეღო ნეღეღოღბა
 ოქროსეღა ბიგის.

პაპოს ძიღისპირა

ზ ლ ა პ ა რ ი

ვატო დასაძინებლად დაწვა. დაბალ სკამზე ჩამომჯდარმა ბებომ ზღაპარი წამოიწყო.

— ბებო, ვგ არა, დათუნას ზღაპარი მიაძებე, —თავექვემ ხელი ამოიღო ვატომ.

— დათუნას? ნეტავ ეს რომელია ზღაპარიო? — გაიკვირვა გულში ბებომ, მაგრამ შეიღიშეიღის ხათრი არ გაუტეხა, რაც იქნება, იქნება, და ახალ ზღაპარს უხმო.

— იყო ერთი დათვი.
— დათვი კი არა, დათუნა, — შეუსწორა ვატომ.

— დათვი რამ მომაგონა, დათუნა, — მოიბოლიშა ბებომ. — ეს დათუნა ცხოვრობდა დაბურულ ტყეში.

— დათუნას კუს მანქანა ჰქონდა.

ვატომ ერთი პატარა სათამაშო კუს მიაშვავა და კუს მანქანა დაარქვა.

— ჰქონდა, როგორ არა ჰქონდა! დააქროლებდა აღმა-დაღმა.

— ჰერიიი, არემარე თან მიჰქონდა. ხი, ხი, ხი! — ჯღურტულვებდა ვატო.

— ჰოდა, ერთხელ ერთ მშვენიერ მწვანე ბუჩქს ისე მაგრად დაეჯახა, რომ ძირფესვიანად ამოავდო.

— მილიციელი კურდღელი სად იყო? დაუსტვინა?

— დაუსტვინა და ვგრე?!. იქაურობა გააყრუა. შუქნიშანი წითლად ენთო, ის კი მიჰქარის...

— ჰერიიი...

— ცქვიტამ აღარ დააყოვნა და უკან გამოუდგა.

— ბებო, ცქვიტა ვინ არის?

— მილიციელ კურდღელს ცქვიტა ერქვა.

— ჰმ, ცქვიტა! — ჩაიცინა ვატომ — ქული ვხურა?

— ვხურა, მაშ არ ვხურა?! აი. წამოვწია დათუნას და სადაც არის კისერში ჩაავლებს...

— ვერ დაიჭვრს! დათუნა ცაში ახტა! — სიტყვა მოუჭრა ვატომ. ბებო ამას კი არ მოელოდა, მაგრამ იხტიბარი არ გაიტეხა და ახლა ცაში დაატრიალა ამბავი.

— ცქვიტამ დიდი, ძალიან დიდი ჯოხი მოიტანა და ცას შეუდგა, დათუნავ, ახლავე

ძირს ჩამოდიო.

— არა, არ ჩამოვა. — გულიანად ხითხითებს ვატო.

— ჩამოხვალო! — რაკი-რუკი აუყენა ცქვიტამ ჯოხს. — ვაი, ვფხი, ვაი კული! — ხტუნაობდა დათუნა.

— არაფერიც არა სტკიოდა, — ჯიუტობდა ვატო.

— ცქვიტამ, რაკი ჯოხით ვერა გააწყო რა, აღდა და ისიც ცაში ახტა.

— დაიმაღება დათუნა, ვერ იპოვის, — ვატომ თავზე საბანი წაიხურა.

— ხო! დათუნამ უმალ ვარსკვლავთან მიირბინა — დამბაღფო. ვარსკვლავმა უთხრა. აბა, როგორ დაგმალო, ვერა ხედავ როგორ ვბრწყინავო?

— ბებო, უთხარი საბანქვემ შემოძვრეს.



— ვარსკვლავმა დათუნა ლგვა ღრუბელთან გააგზავნა.—ღრუბელი, ღრუბელი, დამალეო,—შევეველრა დათუნა.

ვატომ საბნიდან თავი ამოყო.

— ღრუბელმა,—რამია საქმეო? — ცქვიტა მომდგესო.—აღბათ დაამავე რამეო:—ჯერ დამაღე და მერე ყველაფერს გაიმბობო.—ყელი გამოუწია დათუნამ და ვიდრე ღრუბელი პასუს ეტყოდა, იმის კალთაში გამოეხვია. ცქვიტამ აქეთ ირბინა, იქით ირბინა, სად არის დათუნა! უცებ იმის კულს შეასწარო თვალი.—გარეთ დარჩენოდა,—გიპოვე დათუნაო.

— კუდიც დამალა, ვერ იპოვის.— თანაუგრძნობს დათუნას ვატო.

— მართლაც ვერ იპოვა. ისეთი ნიავქარი ამოვარდა, რომ ეს შენი ლგვა ღრუბლის ქულა თავის დათუნიანად გზას გაუყენა. და-



თუნამ მაინც მოასწრო, თათი გამოყო, ცქვიტას ქული მოხდა და დაუქნია, კარგად იყავიო. გასკდა გულზე ცქვიტა.

ვატო გულიანად ხითხითებს:—მერე აღარ გაეცია ცქვიტა?

— რაღას მიეწეოდა. ადგა და ისევ მიწაზე ისკუბა. ბზრიალ-ტრიალით წამოვიდა, და ვინ იცის რა მოუდებოდა, რომ ერთ მაღალი ხის კენწვროს არ გამოსდებოდა იმისი ქამარი. ქრის ქარი და აქეთ-იქით ქანაობს ცქვიტაც.

— როგორც საქანელაზე!

— ხოო, სწორედ ისე.

— დათუნა რაღა იქნა?

— დათუნაც ძალიან დაიღალა, ღრუბელს სთხოვა ჩემს ბუნავთან მიმიყვანეო,— სად არის შენი ბუნავიო?—ტყისპირზე პანტის ხეებთანაო. ლგვა ღრუბელი ნება-ნება დაეშვა... პანტის ხის კენწვროს თავზე გაჩერდა და დათუნას უთხრა, ჩხტიო...—აქედან რა ჩამახტუნებო?—შეშინდა დათუნა.—თუკი იქიდან ამოხტიო?—მე როდის ამოვხტი, ვატომ ძალით ამომახტუნაო.—ხოდა უთხარი, ახლაც ვატომ ჩავახტუნოსო.

— ჩუ, ჩუ, ჩუ...—თითი ტუჩებთან მიიტანა ბებომ. ვატომ უკვე დაიძინაო.

ლგვა ღრუბელი მაინც უჯავრდებოდა დათუნას, როგორც ვინდა, ისე ჩხტიო. ნისლი კი არა ვარ, მიწას ვავეკრა, სადაც არის ყუყუნა წვიმად უნდა წამოვიდგო!

სხვა გზა არ იყო, ბებომ ხელი მიაწვდინა დათუნას და ციმციმ ჩამოსვა.

— მე რაღას მემართლებითო? ასე მტოვებთ საკანწიალოდო?—გამოსძახა ცქვიტამ.

ბებომ ისიც იხსნა, თავზე დათუნას წართმეული ქული დაახურა და უთხრა: აბა, ფენაკრფვით შეიპარეთ ზღაპრების გულაშიო.

— ჯერ დათუნამ კეთილი ინებოს და იმ ძირფსვიანად ამოგდებულ მწვანე ბუჩქს ისევ გაუმაროს ფესვი, წყალიც დაუსხას, და მერეო,—განზე გადავა ცქვიტა.

— მართალი ხარო,—დაეთანხმა ბებო.

დათუნამაც კეთილი ინება, ბუჩქს მიხვდა; ცქვიტაც მიხვმარა.

— ვატოს ხომ ეტყვით დილით, მე და დათუნა როგორ დავმეგობრდითო,—დაჩიურჩიულა ცქვიტამ.

ბებომ თავი დაუქნია, ზღაპრების გულას პირი მოუკრა და ყველა პატარას უსურვა ძილი ნებისა!



ამთანადილ მუხუარამ

ღარიგება

დათემა ქამა ტებილი,
წამოსტკიფდა კბილი.
მერმს დაუძახა
და დაულა ხახა.
ამოაჩრო კბილი,
დარჩა მარტო ღრიძილი.
დარიგა დათე:
დაისლამე, რაც ვთქვი.
მოლურე კბილეს—
როცა შექმამ ტებილეს,
მე, გასსოფდეს, მუღამ—
კბილს გახეჭვა უნდ.



ბაშან სვანიძე

არ ვარჯიშობს დილით ხვთისო

არ ვარჯიშობს დილით ხვთისო,
არც დარბის და არც დახტისო,
არც ტანს იხველს უთენია,
ვინია ცივი წყლისო...
ამიტომაც სულ ცივდება,
როცა ცოტა ქარი ქრისო.
სულ ახველდეს: ხმა აქვს უწნო,
ხრიწწიანი დედაბრისო...
ახი არის, რომ სუყველა
ხრიწწო ხვთისოს ვძახისო!



ჯამალ მებრძველი

ტრუბანსა

მამამ ბალში თუთის ტრუბე
ჩამომიბა საქანელა,
ხან ქარივით დავაქროლემ,
ხან ვირწევი წელა-წელა.
თან ჭურს ვუვდებ ჩიტთა სტევენას
და ფოთლების ხმატებილ შრიას.
არ მსურს, თორემ, რომ მინდოდეს,
ავფრინდები კოსმოსშიაც.





გიორგი გიგაური

ლახტი

ქამრით შოდრთავენ წვივებს,
 ხან სწრაფად,
 ხანაც დინჯად,
 ყველა ერთგულად იცავს
 თავის საბრძოლო მიჯნას.
 დამარცხებულნი—წრეში,
 გამარჯვებულნი—გარეთ
 ატკაცუნებენ თასმებს,
 აბრიალებენ თვალებს.
 ფრთავაშლილობა შევნიშნო
 და შემართება ორბის,
 ნაბიჯს არ ღვამენ უკან,
 მშობილი იცავს მშობილს.
 ეუზმურ ცუცხლთან თამაშს,
 ბიჭებს—აშოლტილ ადგებს,
 ატრიალებენ ქამრებს,
 აბრიალებენ თვალებს.



შირაფი

დაცხა...
 და მოგვენატრა
 წყლის დაღვეა კოკით...
 მივაშურეთ ტას, მაგრამ
 გამწვდარიყო თოკი.
 ბედზე გაჩნდა თირაფი
 კეთილი და წყნარი,
 წაიგრძელა კისერი
 როგორც ოწინარი,
 ამოგვიღო ჰოდან
 ყინულივით წყალი...



მანანა კახაჩია

ზარმასკი

რა ჰკვიანი ფრინველია.
 ღედიკონა, თუთიყუში,
 სულ ყველაფერს იმეორებს,
 რასაც ჩუმად ვტყვი ყურში.
 გაკვეთილებს ღვასაწავლი
 და დავისვამ ჰგვრდით კლასში,
 მიკარნახებს, გაწითლებას
 გადამარჩენს იმდენ ხალხში.



პარლ არსენაშვილი

ტყეში

თქვენხელა რომ ვიყავი, სკოლაში მასწავლებლიდნენ უფროსებისთვის ყურადღებით მომესმინა. ერთხელ ფიქრმა გამიტაცა, პაპაჩემის ნათქვამს გულისყური ვერ მივყოლოვ და აი, რა გადამხდა.

ვანო პაპამ თქვა, ტყეში წავიდეთ, შეშისა და ფიჩხის მოსატანადო. გარიყრაყრევე გავეზადეთ: გუდამი ჩავანყეთ პური, ყველი და მწვანილეული. მხარზე მათარა გადავიკიდე.

პაპამ ნიშა ცხენი ღრიჭინაში შეაბა. წალდი და ცული ჭალებთან წნელებით დაამაგრა.

იცით, რა არის ღრიჭინა? ღრიჭინა ორ პატარა ბორბალზეა შემდგარი, ხელნებს ბოლოებში კავები აქვს. კავები ურემშია ამოყრილი. ძირი მინას ეყრდნობა. მიღის ასეთი ურემი და ისმის „ღრიჭ-ღრიჭ“. ამიტომაც პქვია ღრიჭინა.

თან გავიყოლეთ ჩენი მურია. მე კოფოზე ვიჯექი. სადავეები მეზურა. პაპა უკან მოგვედებდა. მურია ხან წინ გავვიძღვებოდა და ხან ღრიჭინის გვერდით მოძუნძულვებდა.

სოფელი იღვიძებდა. ცურდაპატარავებულის ძროხები ხბორებს ემშვიდობებოდნენ და საძოვრისაკენ მიეშურებოდნენ. კონტშებშული ღორები და ბურვაკები მინას დინგით ჩიჩქნიდნენ. ინდაურები კვიკვივებდნენ. ყვიტყვიტებდნენ თეთრი ბატები და რუსთან

დაღერღეტობდნენ. დასახლისები ეზოებს გვიდნენ. მზე მალლა და მალლა იწვედა. კვირიონები მინდვრიდან ტყისკენ მიფრინავდნენ.

კოლმეურნეობის სამჭედლოსთან ფეხებგაკოჭილი კამეჩი წამოექციათ და ყაირით ნალებს აკრავდნენ.

სამჭედლოს ზემოთ დიდი კაკლის ხე იდგა. გავუსწორდით კაკალს და შემოგვესმა:

— სად მიდიხართ, ვაჟკაცებო?
— შენა ხარ, დიანოზო? — უპასუხა პაპამ,
— ჩვენ ტყეში მივდივართ, შენ რაღას აკეთებ მანდა, ყვავივით რო შემომჯდარხარ?

— სამურაბე კაკალსა ვკრფავ. — ჩამოგვძახა ძია დიანოზმა.

სახერხზე ბლომად მორები ეწყო და პატარა გორებად ნახერხი ეყარა. მხერხავებმა მუშაობა შეწყვიტეს.

— საით გაგინვითა, ვაჟკაცებო?
— ტყეშიო. — უპასუხა ვანო პაპამ.
— აბა, ხელი მოგეპართოთო.

სოფლის თავში, სამმილიანი წყაროდან ცივი ნაკადი გადმოჩქეფდა. გოგობიჭები კოკებთ შეგროვოლიყვნენ. „მოდი, მოდი, თქმეს ტყეში მიგეჩქაბათო“, და რიგი დამითმეს. მათარა წყლით ავავსე. ნიშა ცხენი კამპა აუხს დაენაფა.

მერე რიყი გადავჭერთი, აღმართზე ავედით და გზა გავაგრძელეთ. გზას მალალი, ფრიალი კლდე დაჰყურებდა. კლდის ძირს ანლი ჩასდევდა. მოუფხვით და კლდე ახლა ფერდობმა შეცვალა. გზამ სასაფლოს ჩაუარა. კიდეი ასიოდე მეტრი გავიარეთ და

ტყეში შევედით. ტყის ფრინველებს გაღვიძებოდათ. „გუგუ-გუგუ!“ იხახდა გუგუღლი. ტყეში გრილოდა. გზა თანდათანობით დავიწროვდა. ბოლოს ხრამს დაემსგავსა. აქეთ-იქით ქვევგამოშვერილი თიხნარი, ხეების ფეხებიც მოჩანდა, მაღლა კი ტყე იყო.

თავი ფიქრებს მივეცი. გამახსენდა თბილისი, ჩემი თანაკლასელები — წარმოვიდგინე, როგორ მოუწყვებოდი ტყის ანგაზს.

ერთ ადგილას გზას ბილიკი ეყოფოდა და მცენარეებში უჩინარდებოდა. პაპამ მითხრა შენ გზაზე იარე, მე ამ ბილიკით ვივლით, — მერე კიდევ რაღაც თქვა, მაგრამ მე ფიქრებში ვიყავი გართული და ვერ გავიგონე.

რაც უფრო ღრმად შევდიოდი ტყეში, უფრო და უფრო მატულობდა სიგრილე. ვიარეთ, ვიარეთ. ხრამის მსგავსი გზა გავიარეთ და პატარა მინდორი გამოჩნდა. ოდესღაც ის ხეებიც იყო დაფარული, ახლა კი ახოვ ქცეულიყო. მერე მზით განათებული ნიფლნარი დაიწყო. დაბლა შარშანდელი ნითელი ფოთოლი ეყარა. კიდევ შემხვდა პატარა მინდორი — ისიც ახოვ ქცეული. პაპა არ ჩანდა. ცოტა ხანში მუხნარში შევედით, არც იქ იყო არავინ.

— ვანო პაპავ! — დავიძახე.
„ვანო პაპავ! ვანო პაპავ! ვანო პაპავ!..“ გამომხმზაურა ტყე. მურიამაც შემომხვდა, ცხენდა ყურები ცქციტა.

სად არის პაპა?
საგონებელში ჩავვარდი. „მოხუცი კაცია მეტი — ფიქრობდი, — ვაი თუ გული გაუხდა ცუდად, ან იქნებ ნადირი გადაეყარა“. შემეშინდა. ხუმრობა ხომ არ იყო, ოთხმოცს

ბევრი აღარაფერი უკლდა. მერე თავი ვიწმინდე, ალბათ დიდიხალა, ხის ძირში წამოწნა და ჩაიფინა-მეთქი.

მაგრამ მაღე აფფორიქედი. მურიაც აწრიალდა, უკან გაიქცა, მერე ისევ ღრიჭინასთან მორობინა და ყყუა ატყუა. „ვიწისი, დაეძინა და მეგული გადაეყარა“. — გავიფიქრე და თავქვე დავეშვი. ცხენსაც მოუსვენრობა დაეტყუა, აფრუტუნდა და ნაბიჯს აუჩქარა. ააგრ გამოჩნდა წელან გამოვლილი მინდორი, შემდეგ ისევ ნიფლნარი დაიწყო, შემდეგ ისევ ახო შემოგვხვდა. პაპა ჩემი არ ჩანდა. დავინახე ის ბილიკიც, რომელზეც პაპამ გადაუხეცია. გამახსენდა ნაკითხული, რომ ძაღლებს შეუძლიათ დაკარგული ადამიანების პოვნა. „პაპა, მურავ! ბილიკით იარე და პაპა მოძებნე“, — ხელი ბილიკისაკენ გავიშვირე. მურიამ შეეყვრა, ბილიკისა და გზის გასაყართან ჩაცუცქდა.

„მურიავ! ში ოჯახქორო! პაპა მოძებნე“. მურიამ შემომხვდა და ახლა წინა ფეხებზე დადო თავი.

ღრიჭინის მობრუნება გადაწყვიტე. სადავეებს მოგზიბდე. ცხენმა შემოტრიალება სცადა, მაგრამ ჩახრამული გზა ვინრო იყო, ცხენი დაფრდებულ გვერდზე ავიდა, მაგრამ შემდეგ ნაბიჯი ვეღარ გადადგა.

— აიუ, აიუ! — ცხენმა წაიფორხილა. ღრიჭინა ვინრო, ჩახრამულ გზაში გარდიგარდმო ჩაიჭვდა.

ახლა რაღა მეშველება? ვერც წინ მივიღე, ვერც უკან. მეტი რა ჩარაა, აქ უნდა გავიწედე.

...და ამ დროს პაპაც გამოჩნდა. გზას ჩამოსდევდა ჯოხის ბრჯენით.

მე რომ დამინახა, ცრემლები წასკდა: — სადა ხარ, ბაღლო? ხომ გითხარი, მანასეული ახოსთან მომიცადე-მეთქი. მანასეული ახო პირველივე მინდორია.

— ფიქრებში ვიყავი გართული და მანასეული ახო რამ გამიგონია-მეთქი. — ვუთხარი.

— უნდა ყურადღებით იყო! — თქვა პაპაჩემმა, — როცა გელაპარაკებთან, სხვა რამეზე არ უნდა ფიქრობდეო. — შემდეგ ხელნებიდან ცხენი გამოუშვა. ცხენი ფერდიდან ჩამოვიდა, ღრიჭინა ჩვენ მოვებრუნეთ, ისევ შეაბა ცხენი პაპამ და გავწიეთ ტყეში.

მოვჭერთ ნიფელი, ტოტები ავასხიბეთ. ნიფელი შუაზე გადაჭრა პაპამ. დავუდეთ ღრიჭინაზე ეს გადანაჭრები და ფიჩხი, და შინისაკენ გაჩქიეთ.

ახლაც, როცა რაიმეს ვერ გავიგონებ ხოლმე, ის დღე მახსენდება, როცა მე და პაპაჩემი ერთმანეთს ავცდით ჩვენი სოფლის ტყეში, და ჩემს თავს ვკიცხავ უყურადღებობისათვის.





„დილის“ მოამბე

გარდაცვალა კუკური გოგია შვილი.

რა გულსატკენი, რა სამწუხარო ამბავია! ნუთუ „დილის“ რედაქციაში აღარასოდეს შეგხვდებით ქართველი ბავშვების დიდ მოამბეს, რომელიც თითქმის 40 წლის მანძილზე განუწყვეტი იყო ჩვენი ჟურნალისაგან! ნუთუ მისი სახელი ამიერიდან მხოლოდ „დილის“ სკივრიდან ამოღებული ძვირფასი მასალეების ქვეშ იქნება მიწერილი? ეს კია, რომ ამ სკივრში კუკური გოგია შვილიმა ბევრი, ძალიან ბევრი

რამ დაგვიტოვა.

დღევანდელი ბავშვების ბებიებსაც და ბაბუებსაც უთუოდ ახსოვთ, როგორ კითხულობდნენ თავიანთ პატარაობაში იმ დროს სრულიად ახალგაზრდა მოკალმის—კუკური გოგია შვილის ჭკუის სასწავლებელთა თუ ხალისიან მოთხრობებს, იჯავებს, ზღაპრებს, ერთი ბეწო პიესებსა და სცენებს, ლექსებს, ლექსრებუსებს, გასართობებს...

დღევანდელი ბავშვების დედებისა და მამებისთვისაც ნაცნობი და საყვარელი იყო კუკური გოგია შ-

ვილის ნაწერები...

ნაცნობი და საყვარელია ისინი დღევანდელი ბავშვებისთვისაც.

მაგრამ მარტო ჟურნალის ფურცლებზე არ ხვდებოდნენ თავიანთ საყვარელ კუკური ბიძიას, შემდეგ—კუკური ბაბუას, მისი მკითხველები. წლების მანძილზე სკოლებში, სახვიმო დილებზე, სახვიმო შეხვედრებზე ახარებდა ის თავისი მისვლით პატარებს...

...მაგრამ ვაი, რომ უკვე ველარასოდეს დავინახავთ მას პატარებს შორის ჩამღვარს, მომღიმარს, მოყვარულს, მოსაუბრეს...

თითქმის 40 წელი ემსახურა ეს მუდამ ახალგაზრდულად მოფუსფუსე, დაუნაზრელი, ხალისიანი კაცი ქართველ ბავშვებს. ახლა კი წავიდა... და მწარე გულისტკივილი დაუტოვა ყველას, ვისაც სხვადასხვა დროს მასთან ერთად გაუწევია ამ სამსახურის მძიმე, მაგრამ ბედნიერი ჯაპანი... და კიდევ—ქართველი მკითხველის რამდენი თაობის სინაწული და გულისტკივილი წაჰყვა მას.

კეთილი იყოს მისი ხსოვნა!

კუკური გოგია შვილი

ჯავახიშვილი

- სად მიდიხარ ამ ზაფხულს, თმაქონორა ირა?
- მე სოფელში მივდივარ იქით შაბთაკვირას.
- სისარულით შევძახებ:
- გამარჯობათ, მთებო!

როგორა ხარ, ბაბუა, როგორა ხარ, ბებო? ცინახულებ მეგობრებს, ციხე-კოშკებს მრავალს, დაბრუნდები ჯანმრთელი და სკოლაშიც წავალ!

ნასარსი თავსივსარი

ში ცხოვრობდა  ,  ლად ერქვა ნაცარა,
 უყარდა ხტუნვა,  ,  დმოკლეს, ყურებცანცარას.
 ზოსცანში,  ,  არ შეგვარჩინა, გაგვცალა;
 მხალი,  ,  , შინისეენ წააცანცალა.

ერთ  ლ მას  ეწე, უთხრა: -ინანებ ცანგალავ,
 ნუ ქურდობ,  ჩქი,  . თქვი: ცოცა არის აქ განა? -
 მაგრამ  ცქვიცამ მებობელს სიცყვის თქმა როდი აცალა,
 ზღარბს უპახეხა: -ვის გვი  ვს, ეკლებ  ნო ზანცალავ! -
 თქვა და  სეენ გასწ  ,  ცქვიცა ცანცალამ.
 თურმე  პატრონი  თან ლოდინმა დაღალა,
 ხელში ეჭირა  და  ც იშ ეღვა პატარა;
 ფეხზე შემართა  , წუნეს მეტი აღარ აცალა,
 გამოჰკრა, ი  , მჭეჟარე  დაცალა.
 ...დაეცა,  დახუჭა  მივარდა ზასარა,
 აუხდა  ს ნათქვამი  ან ნაცარას.



პეტინო ფსოველიზვილი

ბებოს მადლი

ავგისტოა. ძაღზე ცხე-
ლა. ეზოში ბევრი ლეღვის
ხე დგას, ბებოს დარგული.
სიცხისაგან ნაყოფი სან-
თლისფრად დამნიფებია
და მიწაზე ტყაპა-ტყუპით
ცვივა.

—ამ ლეღვს მაინც რა და-
ემართა, ნეტა! სულ გადა-
ირია! ერთი მოვიცალო,
რომ ჩამოვკრიფო და ჩირი
გავაკეთო. იცი, შვილო, რა
უებარი წამალია ხველები-
სათვის მაგისი ჩაი. — ამ-

ბობს ბებო და ვენახში წა-
სასვლელად ემზადება.

მე უკვე დიდი გოგო ვარ
და ბევრი რამის გაკეთება
შემიძლია. ბებო რომ ვე-
ნახში ვაზის მისახედად გა-
ვისტუმრე, ლეღვის ხეზე
ავედი, კალათა და ხის კა-
ვიც თან ავიყოლე; ნახე-
ვარ საათში კალათა პირ-
თამდე გავავსე. ჩამოვედი
და ლეღვის ჩირის გაკეთე-
ბას შევუდექე. მეორე ამას
რა დიდი ჭრელი კოვზები
უნდა — ლეღვი საგულდა-

გულოდ დავფცქვენი, მარ-
ნიდან გამოტანილ დატო-
ტილ ჩხირებზე ავასხი, მე-
რე წალმით თონე ამოვაბ-
რიალე, ცეცხლზე კრამი-
ტის ნატეხები დავანყე და
ჩხირები თონეში ჩავაყუ-
დე. საღამოვდებოდა, რომ
ჩამტკბარ-ჩაშაქრული ჩი-
რი უკვე ბებოს თეთრ
ტოპრაკში ჩავყარე. ამ
დროს ორდობეში მეზობ-
ლიანთ რძლის, ქალაქიდან
სტუმრად ჩამოსული დეი-
და ლიდას ხმა გავიგონე,
შვილს ეძახდა; ჭიშკარში
გავხიდე და ძლივს ვიცა-
ნი, რადგან თავშალში გა-
ხვეულს სახე არ უჩანდა.

— რა დაგემართათ, დე-
იდა ლიდა? — ვეკითხები
მოკრძალებით.

— გავცივდი, შვილო,
ხველება მახრჩობს, ბალი-
შზე თავი ვერ დამიდევს!
— მითხრა წუნწუნით.

— მოიცადეთ, დეიდა
ლიდა, — წამოვიძახე და
სახლისაკენ გავვარდი, ლე-
ღვის ჩირი ავიღე და გამო-
ვურბენინე, — ამის ჩაი
დალიეთ და კარგად გახ-
დებით-მეთქი.

— რა არ ვცადე და არა-
ფრემა მიშველა, დეიდა,
ვითომ ახლა ეს მომარ-
ჩენს? — ცოტა უნდობლად
შეხედა ჩემს რჩევას დეი-
და ლიდა.

მეორე დილით, ბებო
რომ წასასვლელად ემზა-
დებოდა, დეიდა ლიდა მო-
გვადგა კარზე.

— ეგ რა გოგო გყოლია,
ქალო, გუშინ ხველება
მკლავდა, ლეღვის ჩირი გა-
მატანა, ამის ჩაი დალიეო,
მირჩია, და არ მომარჩინა
ქალი!?

ხვედავ, დეიდა ლიდას
სიტყვებზე ბებო წელში
სწორდება და სახე უნათი-
დება. „შენი მადლია ბებო,
შენი, შენგან მაქვს ყველა-
ფერი წასწავლი“, ვფიქრობ
გუნებაში.



ბირობი წარმთელი

გაქვეყნება

საქმეს ვერა უქნა რა
მიტომ მკვია

ბირობი შეთავაზური

მისარითი გაომხანა

ყველგან — მთაში, ბარში,
ტბილიად გალობს

თქანს იპოვით

ბავშვებო, ქართულ ენაში ზოგი სიტყვა
ორივე მხრიდან იკითხება, მაგალითად:

- ღავა—ავად
- ვაცი—იკვავ
- ნემსი—ისმენ
- სილობ—ობლის
- სვეტი—იტვეს და სხვა.

სიტყვები შეკრიბა ჯიბო ჯიბერმა.

მეგობრებო

სინამდვილეში ნოშრავან მაიხისია
 მაგრამ სამი მაქვს სახელი.
 თუ შემაკივა, ლოლი ვარ,
 ყველა იქნებით მზახველი.
 ცოტა თუ შევთბი, ვმოძრაობ,
 მივდივარ, ანდა ვირწყვი,
 ხოლო თუ უფრო შევხურდი,
 მე შევიღე ცასაც მივწვდები.

წიკო

საქართველოს ალკა ცე-ისა და
ვ. ი. ლენინის სახელობის პიონერ-
თა ორგანიზაციის რეკონსტრუქცი-
ური საბჭოს უფროსი უმცროს-
კლასელთათვის.

გამოცემის 1987 წლიდან.
საქ. კა ცე-ის გამოცემლობა.

მთავარი რედაქტორი
ვესტარ ნიშნარაძე

სარედაქციო კოლეგია: ელზარე აგბო-
ბაძე, ილია ანთელაძე, მერი ლავი-
თაშვილი, სოლომონ დეგრაძე, ნა-
ზიმი, ლეილა მარაძე, მანანა კობა-
ხიძე, ზალა ლოსაბერიძე, მუხამბე
მგვალაშვილი, ჯურაბ ნაღორაძე,
ბირობი როინიშვილი (სამხატვრო
რედაქტორი), თინათინ ხალაუარი (პ.
მღვანე), ვივი ვივიანიძე, მანანა ხა-
ჩიძე.

ტექნიკური რედაქტორი
ენლი წერეთელი

მისამართი: რედაქციის, გამოცემლობის,
სტამბის—თბილისი, ლენინის, 14. ტელ.:
მთ. რედაქტორის 98-41-80, 98-98-16;
პ/შ მღვანის 98-10-82, 98-98-18; სამხ.
რედაქტორის — 98-98-18; განყოფილე-
ბების: 98-98-19; 98-98-17.

გადაეცა ახალწოდებ 6.06. 84 წ. ბელმო-
წერილია დასაბეჭდად 12.07. 84 წ. ქა-
ლალის ზომა 80x80/16. ფს ნახ. ფურც.
2,5. ტირაჟი 168000, შეკვეთა № 1268.

ყლაზე ნახატი სომეცი
კონსტრუქციონისა.

«Дила» — («Утро»), ежемесичный
журнал ЦК ЛКСМ Грузии и Гру-
зинского Республиканского Совета
Всесоюзной пионерской организации
им. В. И. Ленина для младшекласс-
ников, на грузинском языке.

Отпечатано в типографии издатель-
ства ЦК КП Грузии.

Главный редактор Энвер Нижара-
дзе (тел. 93-41-30).

Адрес редакции и издательства:
280096, г. Тбилиси, ул. Ленина, 14.

Объем 2,5 печатных листа, тираж
163000. Заказ № 847.

6 242/121

ჩხირკედელა

წელი ოპროვირები



ნეტავ საით გაუნეგია მხიარულ რკოს კაცუნას, რომელიც „დილის“ წინა, მე-7 ნომერში გაგაცანით?

მიკუნტრუშებს მისი ვირუკა ტყის ბილიკებზე, მილიონებს ჩხირკედელა... უცებ ბალახებში გაფანტულ პანტას მოკრა თვალი, სახედრიდან ისკუპა, პანტას გემო გაუსინჯა — თაფლივით ტკბილი იყო, იფიქრა, თან წავიდებო, მაგრამ აბა რაში უნდა ჩაეყარა მწიფე ნაყოფი. მაშინ მოძებნა რკო, შუაზე გაჭრა, შიგთავსი გამოიღო, ნახევრები თოკით გადააბა და ხურჯინიც მზად იყო. ჩხირკედელამ შიგ პანტა ჩაყარა და ვირუკას აჰკიდა. ჩქარა დაიღალა ვირუკა და ჯიუტად გაჩერდა. ჩხირკედელამაც დრო იშოვა, წაბლის ხის ჩრდილში ნამოგორდა და ხერხინ-

ვა ამოუშვა, არც ვირუკა ჩამორჩა პატრონს, ისიც შორიანლო ამოკოტრიალდა და დაიძინა. ხურჯინიდან მწიფე პანტა გარშემო მიმოიფანტა. სად იყო და სად არა, წაბლის ჭიანჭველები გაჩნდნენ, ზურგზე ნამოკიდეს მწიფე პანტა და შინისაკენ გარბენინეს. აბა ამ ჭიანჭველს კარგად დააკვირდით, თავი წაბლისა აქვს, სხეული კი პატარა რკოსი და წაბლისა, რომლებიც ერთმანეთთან წებოს და წკირის საშუალებით არის შეერთებული. ხელები და ფეხები ხმელი წკირისა აქვს, ხოლო ფეხსაცმელებად შუაზე გაჭრილი რკო აცვია. თავზე წვრილი საცეცები აბია. თვალები ბრიალა აქვს და დიდი.

